



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 2. De Saniaco.

urn:nbn:de:hbz:466:1-13167

cho, quem Germani Generalem Campi, nos dicimus *Mareschal de Camp*. Habent autem Beglierbegi vexilla sua sub quibus cogunt Saniacos suos; & posterius instituti habent breues admodum ditiones suas, ut eas diligentia & fortitudine suâ extendere queant, quod si fecerint ad maiores dignitates cum multis laudibus promouentur.

NVM. 2. *De Saniaco.*

SANIACVS, vulgo *Sangiâc*, voce dissyllaba, ut vult Leunclauius, aliter *Sanzac*, nomen habet à vexillo militari Turcico, quod Græci Flambarum, vel Flambulum appellant. Est autem globus æreus deauratus in summo hastili defixus, circumplexis, & dependentibus vndique caudis equinis. Super hunc globum sæpe lunæ cornua imponuntur. Præfectis autem prouinciarum, seu Prætoribus eiusmodi vexilla præferuntur cum magno strepitu tympanorum in expeditionibus, ideoque dicti Sangiacbegi, à Græcis Flambutes: *hac ex Leunclauio.*

NVM. 3. *De Praefecto Insularum.*

PRÆFECTVS Insularum dicitur Beglierbeg Denizi, aliter le Capitan Baffa, magistratus à magno Solymano inuestus est, cùm antea hoc munere fungeretur Saniacus Callipolitanus le *Sangiâc de Gallipoli*. Ille autem Ægæo mari, & Ionio præest, uno nomine Ottomanis, *les Mers Blanches*: respondet huic Magistratui qui apud Græcos dicebatur *πατηρ τῆς δωδεκανήσου*, cuius meminit Cedrenus. Præest autem hic Prætor Lemno, Eubœa, Naxo, Paro, Melo, Zacyntho, Leucadi, Cephaloniae, Lesbo, Chio, Samo, & Rhodo, Insulis 12. ad quas minores reuocantur; Cyprus & Creta, quia magnarum regionum instar, suos Prætores habebant. Nunc autem huic Praefecto parent non tantum Insulae, sed & vrbes aliquot maritimæ, ad res nauticas peropportunæ, scilicet Callipolis, *Gallipoli*, Nicomedia, Comidie Nauplia, *Napli de Romanie*, Caualla Macedoniae, Naupactus Lepante, & Alexandria Ægypti.

CAP.